

COMISIÓN INFORMATIVA DE TERMALISMO, TURISMO E MEDIO AMBIENTE

ACTA da mencionada comisión informativa, correspondente ó día **20 de setembro de 2018**

ASISTENTES:

PRESIDENTE: D. ^a Ana María Villarino Pardo DEPUTADOS/AS: D. ^a Consuelo Vispo Seara D. José Antonio Feijóo Alonso D. Antonio Montero Fernández D. Miguel A. Cid Álvarez D. ^a M. ^a Teresa Cerdeira Valiñas D. Vicente Gómez García D. ^a Isabel Gil Álvarez D. Adolfo González Nóvoa D. Armando Ojea Bouzo D. Ramiro Rodríguez Suárez SECRETARIO: D. Juan Marquina Fuentes INTERVENTOR ACCTAL: D. José Mosquera Casero	No Pazo da Deputación Provincial de Ourense, o 20 de setembro de 2018 , ás 17.30 horas, baixo a presidencia de dona Ana María Villarino Pardo e con asistencia dos señores/as á marxe relacionados, reúnese a expresada comisión informativa, co fin de proceder á preparación e estudo dos asuntos que se indican, adoptándose os seguintes acordos:
--	--

1º.- ACTA ANTERIOR, CORRESPONDENTE Á ORDINARIA DO DÍA 19 DE XULLO 2018.-

En relación coa acta da reunión anterior, correspondente á ordinaria do día 19 de xullo de 2018, non se formulan observacións e queda aprobada por unanimidade.

**2º.- CONVENIO DE COLABORACIÓN ENTRE A CONFEDERACIÓN
HIDROGRÁFICA DO MIÑO-SIL, A DEPUTACIÓN DE OURENSE E O
CONCELLO DOS BLANCOS, PARA O FINANCIAMENTO, EXECUCIÓN E
ENTREGA, PARA O SEU MANTEMENTO E CONSERVACIÓN, DAS OBRAS
DO PROXECTO DE MELLORA DA CAPACIDADE DE DESAUGADOIRO DO
RÍO AIROÁ NOS BLANCOS (OURENSE).-**

O secretario da Comisión expón o contido da proposta.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte do Pleno, do seguinte acordo:

1º. Aprobar o convenio de colaboración entre a CH do Miño-Sil, a Deputación de Ourense e o Concello dos Blancos para *o financiamento, execución e entrega, para o seu mantemento e conservación, das obras do proxecto de mellora da capacidade de desaugadoiro do río Airoá nos Blancos (Ourense)*, consonte coas seguintes cláusulas:

PRIMEIRA.- OBXECTO

Este convenio ten por obxecto determinar as condicións que rexerán o financiamento, redacción do proxecto, posta a disposición dos terreos, execución e posterior entrega para o mantemento e conservación das obras e instalacións que se contemplan no proxecto titulado “Mellora da capacidade de desaugadoiro do río Airoá nos Blancos (Ourense).”

SEGUNDA.- DURACIÓN, MODIFICACIÓN E EXTINCIÓN DO CONVENIO

1.- Este convenio resultará eficaz unha vez inscrito no Rexistro electrónico estatal de órgano e instrumentos de cooperación do sector público estatal, e publicado no “Boletín Oficial do Estado”.

A súa vixencia concluirá o 31 de decembro de 2020, salvo que nesa data non finalizaran as actuacións obxecto deste nin se procedera á recepción das obras, liquidación do contrato, finalización do prazo de garantía, e entrega das obras conforme co establecido na cláusula quinta, en cuxo caso os asinantes do convenio poderán acordar unánimemente a súa prórroga por un período de ata catro anos adicionais.

2.- O convenio extinguirase polo cumprimento das actuacións que constitúen o seu obxecto, así como por incorrer nalgunha das seguintes causas de resolución:

- a) El acordo unánime de todos os asinantes.*
- b) O incumprimento das obrigas e compromisos asumidos por parte dalgún dos asinantes, e en particular, o incumprimento do establecido na cláusula undécima en relación á posta a disposición por parte do Concello dos Blancos dos terreos da súa titularidade.*

A extinción do convenio por esta causa, tras o procedemento contradictorio regulado no artigo 51.2c) da LRJSP, levará consigo o pago dunha indemnización aos demais outorgantes do convenio polos danos causados derivados de actuacións xa executadas ou como consecuencia doutras actuacións que teñan que asumir debido ao referido incumprimento, e que se determinarán pola Comisión de Seguimento, atendendo ao estado das actuacións no momento do incumprimento.

- c) Por decisión xudicial declaratoria da nulidade do convenio.*
- d) Pola entrada en vigor de disposicións legais ou regulamentarias que determinen a súa extinción.*
- e) O transcurso do prazo de vixencia do convenio, sen acordarse a prórroga deste.*

Nos ditos supostos establecerase, en función da causa concreta de extinción e á vista da situación particular das actuacións en curso, a forma de continuación destas e a súa

finalización nun prazo improrrogable fixado polas partes, a proposta da comisión de seguimento, así como a forma de entrega das obras ao organismo competente.

3.- As posibles modificacións deste convenio, acordadas de forma unánime polos asinantes, deberán formalizarse mediante a subscrición do correspondente instrumento modificativo, cos mesmos requisitos e condicións esixidos para a aprobación do inicial.

Non obstante, en caso de resultar necesaria a modificación das anualidades conforme co establecido na cláusula quinta, esta realizarase a proposta da Confederación Hidrográfica do Miño-Sil, OA cando sexa preciso para acomodar o financiamento ao ritmo de execución das actuacións.

TERCEIRA.-DESCRIPCIÓN DA OBRA

O obxectivo da actuación recollerase no proxecto de “Mellora da capacidade de desaugadoiro do río Airoá no Blancos (Ourense),” que está sendo redactado a día de hoxe pola Confederación Hidrográfica Miño-Sil, OA e consistirá na execución dunha nova obra de paso sobre o río Airoá, mediante a construción dun marco de formigón coas dimensións adecuadas para permitir o correcto desaugadoiro do río ao seu paso por este punto e o paso, en condicións de seguridade, das cargas habitualmente circulantes pola vía.

CUARTA.-CUSTO DAS ACTUACIÓNS E FINANCIAMENTO DESTAS

1.- O investimento total necesario para a actuación estimouse en 109.000 €. Este investimento será asumido pola Confederación Hidrográfica Miño-Sil, OA e a Deputación de Ourense a partes iguais (50%-50%).

2.- O custo do investimento financiarase con cargo ao presuposto de gastos prorrogado

do organismo de conca para os anos 2018 e 2019, en cuxo proxecto existe crédito adecuado e suficiente, con cargo á aplicación orzamentaria 452A 600, código de proxecto 2013.23.233.0011.

3. De acordo co anterior, o financiamento da obra realizarase de conformidade coa seguinte fórmula:

- Confederación Hidrográfica do Miño-Sil, OA achegará 54.500 euros do custo inicialmente previsto, o que supón unha porcentaxe do 50% do investimento inicialmente previsto.*
- A Deputación Provincial de Ourense achegará 54.500 euros do custo inicialmente previsto, con cargo á aplicación orzamentaria 2018/179.11/721.09, o que supón unha porcentaxe do 50% do investimento inicialmente previsto.*

4. As dúas partes asumirán, en idéntica porcentaxe (50%-50%) cada unha, as variacións económicas, á alza ou á baixa, por modificacións, revisións de prezos, liquidación do contrato, obras complementarias, así como por calquera outra modificación que se aprobe na execución dos contratos de obras ou servizos.

5. Con cargo ao importe previsto no apartado primeiro, a Confederación Hidrográfica do Miño-Sil, OA afrontará tanto o custo do proxecto, como da obra, dirección e vixilancia desta, ademais dos gastos correspondentes ás medidas de seguridade e saúde. Os valores para cada un destes conceptos son:

- Asistencia técnica para a redacción do proxecto 5.989,50 euros, Imposto do Valor Engadido incluído.*
- Contrato de obras, incluíndo medidas de seguridade e saúde estímase en 95.000 euros, Imposto do Valor Engadido incluído.*
- Asistencia técnica para a dirección das obras, incluíndo coordinación de*

seguridade e saúde destas: estímase en 8.010,50 euros, Imposto do Valor Engadido incluído.

QUINTA.- ANUALIDADES E ACHEGAS

1. Para a execución deste convenio, establécense, inicialmente, as anualidades previstas no cadro que figura como anexo a este documento. Estas poderán modificarse, á alza ou á baixa, sempre que sexa necesario acomodar o financiamento á execución das actuacións obxecto do convenio.

2. Non obstante, non se considerará modificación deste instrumento convencional, a distribución interna, entre as anualidades establecidas, do crédito en principio determinado para cada unha delas, así como tampouco a súa distribución interna entre os distintos conceptos que a compoñen, sempre que non se incremente o seu importe global.

3. Se é o caso, o importe non certificado pasará, automaticamente, ao exercicio inmediatamente posterior.

4. As achegas da Deputación Provincial de Ourense materializaranse mediante a transferencia dos fondos precisos á Confederación Hidrográfica do Miño-Sil, OA tras a previa certificación por esta dos compromisos adquiridos (fase contable D); ou retido (RC), en caso da liquidación final.

5. As transferencias de fondos efectuaranse no prazo de dous meses desde a recepción da precitada certificación. Serán ingresadas na conta que o precitado organismo de conca ten aberta no Banco de España: 9000 0022 10 0200001328.

6. Non obstante o especificado no apartado 4 anterior, se unha vez finalizada a obra e

practicada a súa liquidación, resultara que o importe das actuacións executadas fose inferior aos fondos recibidos, a CHMS reintegrará o exceso que corresponda no prazo máximo dun mes desde a aprobación da liquidación.

SEXTA.-TRAMITACIÓN DOS EXPEDIENTES DE CONTRATACIÓN

A Confederación Hidrográfica do Miño-Sil, OA licitará, adxudicará e xestionará os contratos da obra, servizos e calquera outros necesarios para a execución deste convenio, ata a terminación definitiva das obras.

SÉTIMA.- ENTREGA E RECEPCIÓN DAS ACTUACIÓNS

1. Unha vez finalizadas e recibidas as obras por parte da Confederación Hidrográfica Miño-Sil, OA, comunicaráselles á Deputación Provincial de Ourense e ao Concello dos Blancos tal circunstancia, achegando unha copia da acta de recepción, sendo entregadas para o seu uso público a este último para o seu mantemento e conservación.

2. A dita entrega poderá realizarse por fases, cando, de acordo co disposto no artigo 243.5 d) da Lei 9/2017, do 8 de novembro, de contratos do sector público, caiba a recepción parcial da obra e a súa entrega para o uso público ao que está destinada.

3. En caso de que a CHMS, en aplicación do artigo 243.6 do texto legal precedente, acorde a ocupación efectiva das obras, poderán serlle entregadas ao Concello dos Blancos.

4. En calquera caso, a entrega entenderase materializada pola mera notificación ao Concello dos Blancos, achegando unha copia da acta de recepción. A partir deste momento a dita entidade local asumirá todos os dereitos e obrigas inherentes ao encomendado.

Posteriormente tramitarase o oportuno expediente de mutación demanial entre administracións públicas, conforme co establecido na cláusula duodécima.

5. A entrega das precitadas obras efectuarase polo organismo de conca en adecuadas condicións de uso.

OITAVA.- OBRIGAS E FACULTADES DA CONFEDERACIÓN HIDROGRÁFICA DO MIÑO-SIL, OA

Correspóndenlle á Confederación Hidrográfica do Miño-Sil, OA as seguintes obrigas:

- 1. Financiar as actuacións de acordo co disposto nas cláusulas cuarta e quinta deste convenio.*
- 2. Licitat, adxudicar e xestionar os contratos da obra e servizos precisos, así como as demais actuacións precisas para executar o convenio ata a súa terminación definitiva.*
- 3. Realizar, unha vez terminadas as obras, a recepción destas.*
- 4. Unha vez recibidas as obras en adecuadas condicións de uso, notificarlles este acto á Deputación e ao Concello, achegando unha copia da acta de recepción a modo de entrega, para que este asuma a súa xestión, mantemento e conservación.*
- 5. Pór a disposición do Concello o construído, de modo que cumpran as condicións técnicas e legais necesarias para o seu funcionamento.*

6. *A Confederación Hidrográfica do Miño-Sil, OA quedará obrigada durante a duración do prazo de garantía, dun ano, á reparación daqueles defectos imputables á execución e que se manifesten con posterioridade ao acto de recepción. Esta garantía non cubrirá os deterioros por un uso inadecuado do construído, nin os debidos a actos vandálicos, nin os deterioros debidos ao paso do tempo, así como tampouco os que sexan consecuencia de fenómenos atmosféricos ou polas variacións de nivel das augas.*
7. *Tramitar ante a Dirección Xeral do Patrimonio o correspondente expediente de mutación demanial.*

NOVENA.- OBRIGAS E FACULTADES DA DEPUTACIÓN PROVINCIAL DE OURENSE.

- 1.- *A Deputación Provincial de Ourense asume o financiamento da actuación, conforme co establecido nas cláusulas cuarta e quinta.*
- 2.- *A entidade local acepta que o mantemento e conservación das obras realizadas se leve a cabo polo Concello dos Blancos en virtude do especificado no clausulado deste convenio. A Deputación Provincial de Ourense, queda por tanto excluída da mutación demanial que se tramite.*

DÉCIMA.- OBRIGAS E FACULTADES DO CONCELLO DOS BLANCOS

Corresponderanlle ao Concello dos Blancos, as seguintes obrigas e facultades:

1. *O mantemento e conservación das obras obxecto deste convenio, a partir do día seguinte á recepción da notificación descrita no punto primeiro da cláusula sétima, converténdose, para todos os efectos, no único responsable da*

infraestrutura construída, asumindo os dereitos, obrigas e cargas inherentes ao dito mantemento e conservación.

- 2. O pago de todos cantos tributos graven as ditas instalacións, incluso, se é o caso, o Imposto sobre bens inmobles e os custos de subministracións e servizos necesarios para a conservación do actuado e en xeral, de todos os gastos derivados da xestión, mantemento e conservación das obras obxecto deste convenio.*
- 3. A aprobación do proxecto construtivo de forma que substitúa ao outorgamento da licenza municipal, en caso de que esta resultara necesaria.*
- 4. Realizar as obras de mantemento e conservación das infraestruturas que sexan necesarias, comprometéndose a asumir os gastos que delas poidan derivarse.*
- 5. Pór a disposición da Confederación Hidrográfica Miño-Sil, OA os terreos precisos para a realización das obras, libres de cargas e gravames.*
- 6. Outorgar a acta de mutación demanial unha vez tramitado o correspondente expediente ante a Dirección Xeral de Patrimonio por parte da Confederación Hidrográfica do Miño-Sil, OA.*

O Concello dos Blancos queda autorizado, a partir da entrega do construído, a xestionar, directa ou indirectamente, as obras entregadas de acordo cos fins que motivaron a súa execución.

UNDÉCIMA.- POSTA A DISPOSICIÓN DOS TERREOS

O Concello dos Blancos porá a disposición os terreos necesarios para a execución das

obras. En caso de incumprimento de tal obriga, este convenio quedará automaticamente extinguido, debendo asumir a dita Corporación os gastos que se xeraran ata esa data.

DUODÉCIMA.- RÉXIME DE TITULARIDADE

1. A actuación obxecto deste convenio entregáraselle definitivamente ao Concello dos Blancos mediante mutación demanial, que non alterará o réxime da titularidade das obras e instalacións obxecto desta.

2. A Confederación Hidrográfica do Miño-Sil consente expresamente que o Concello dos Blancos poida xestionar a explotación, mantemento e conservación das instalacións obxecto deste convenio, directa ou indirectamente, segundo o establecido na normativa vixente.

3. As partes aceptan que a Confederación Hidrográfica do Miño-Sil, OA tramite ante a Dirección Xeral de Patrimonio do Ministerio de Facenda, o correspondente expediente de mutación demanial interadministrativa a favor do Concello dos Blancos, ao abeiro do precitado artigo 71.4 da Lei do patrimonio das administracións públicas, para a súa afectación ao servizo público competencia da entidade local.

DÉCIMO TERCEIRA.- COMISIÓN DE SEGUIMIENTO

Para o desenvolvemento desta colaboración e ata o momento da entrega das actuacións, establécese unha Comisión Mixta que estará composta por dous representantes da Confederación Hidrográfica do Miño-Sil, OA, un da Deputación Provincial de Ourense (esta última ata que se reciban e entreguen as obras) e outro representante do Concello dos Blancos. Unha vez entregadas as obras, corresponderanlle ambos representantes ao Concello de referencia.

Esta Comisión coordinará as actuacións relacionadas co obxecto deste convenio, intentando resolver as dúbidas que poidan xurdir en canto á súa execución.

DÉCIMO CUARTA.- NATUREZA E ORDE XURISDICCIONAL COMPETENTE

Este convenio ten natureza administrativa e réxese polo disposto no Capítulo VI do Título preliminar da Lei 40/2015, do 1 de outubro, do réxime xurídico do sector público.

Sen prexuízo das funcións que se lle atribúen á Comisión de Seguimento na cláusula anterior, as cuestións litixiosas que poidan suscitarse respecto da aplicación, interpretación e cumprimento do seu contido serán competencia da Orde xurisdiccional contencioso-administrativa.

DÉCIMO QUINTA.- PUBLICIDADE

Este convenio será obxecto de publicación, de acordo co disposto na Lei 19/2013, do 9 de decembro, de transparencia, acceso á información pública e bo goberno, e no artigo 48.8 da Lei 40/2015, do 1 de outubro, do réxime xurídico do sector público. Neste sentido, as partes prestan expresamente o seu consentimento para que se lle dea a este convenio a publicidade esixida.

ANEXO

ANUALIDADES PREVISTAS

CUSTOS

<i>ADMINISTRACIÓN</i>	<i>2018</i>	<i>2019</i>	<i>TOTAL</i>
<i>CHMS</i>	<i>27.250 €</i>	<i>27.250 €</i>	<i>54.500 €</i>
<i>DEPUTACIÓN DE OURENSE</i>	<i>27.250 €</i>	<i>27.250 €</i>	<i>54.500 €</i>
<i>TOTAL</i>	<i>54.500 €</i>	<i>54.500 €</i>	<i>109.000 €</i>

2º. Ao tratarse dun **gasto plurianual**, comprometerse ao cumprimento do réxime financeiro proposto, co compromiso de incluír no orzamento xeral desta Deputación para os exercicios de 2018 e 2019 a cantidade correspondente para asumir as anualidades do gasto indicadas.

3º.- OUTORGAMENTO DA MEDALLA DE OURO AO DOUTOR DO LUÍS RODRÍGUEZ MÍGUEZ.-

A Sra. **Presidenta**, e ademais **instrutora do expediente**, expón o contido da proposta.

Don Armando Ojea Bouzo, deputado de Democracia Ourensana, indica que o seu grupo, ao marxe do espírito crítico que amosa sempre co tratamento que do termalismo fai esta institución, valora moi positivamente a traxectoria do homenaxeado polo que amosa a súa conformidade ao dito outorgamento.

Don Ramiro Rodríguez Suárez, deputado do BNG, indica que o seu grupo tamén apoiará a proposta.

Dona Isabel Gil Álvarez, deputada do Grupo Socialista, indica que tivo a oportunidade de coñecer o gran traballo desenvolvido por esta persoa no Colexio de Médicos, que foi sempre un gran defensor do termalismo terapéutico, e que tamén considera moi acertada a dita concesión.

Non se producen intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Outorgarlle a medalla de ouro da provincia a título póstumo ao Doutor Luis Rodríguez Míguez, pola súa contribución a realzar e relanzar a maior singularidade que ten Ourense, a súa riqueza termal posto que o foi todo no termalismo da nosa provincia.

4º.- MOCIÓN DE DEMOCRACIA OURENSANA RELATIVA Á CREACIÓN E MELLORA DE INFRAESTRUTURAS DESTINADAS AO TERMALISMO E A FINALIZAR A ACTUAL POLÍTICA DE GASTO EN PUBLICIDADE TERMAL MENTRES NON SE DISPOÑA DAS INFRAESTRUTURAS NECESARIAS QUE AVALEN O DITO GASTO.-

A Presidencia cede a palabra a don Armando Ojea Bouzo, do grupo de DO, para que expoña e defenda o contido da moción.

D. Armando Ojea Bouzo, do Grupo de DO, expón o contido da moción, dando lectura á parte dispositiva da proposta.

Non se producen intervencións someténdose a votación a moción, que non obtén o ditame favorable da comisión ao ter o voto favorable de Democracia Ourensana (1), o voto en contra do Grupo Popular (6) e a abstención do Grupo Socialista (3) e do BNG (1).

5º.- MOCIÓN DO GRUPO SOCIALISTA SOBRE O CICLO DA AUGA.-

A Presidencia cede a palabra a don Adolfo González Nóvoa, deputado do Grupo Socialista, para que expoña e defenda o contido da moción.

D. Adolfo González Nóvoa, deputado do Grupo Socialista, expón o contido da moción, dando lectura á parte dispositiva da proposta.

Non se producen intervencións, someténdose o asunto a votación, obtendo o voto favorable do Grupo Socialista(3) coa abstención do resto dos grupos, polo que a comisión ditamina favorablemente a adopción, por parte do Pleno, do seguinte acordo:

1. Que se elabore un estudo que analice o ciclo da auga nos termos nos que foi aprobado no debate do estado da provincia de novembro de 2017 e se dea cumprimento a todos do contido desa proposta.
2. Que se rebaixen as achegas que realizan os concellos tanto no relativo ao control e mantemento das depuradoras como no baleirado e xestión de lodos

das fosas sépticas así como na xestión das instalacións de produción e distribución de augas de consumo humano.

6º.- MOCIÓNS DE URXENCIA.- Non se presentan.

7º.- ROGOS E PREGUNTAS.- Non se formulan.

E, ás 17.55 horas, dáse por finalizada a reunión, redactándose a presente acta, que asinan a presidenta e o secretario. Certifico.